

#### 4. ՊՈԼՍՈՒՄ ԱՎԱՐՏՎԵՑ ՎԱՐԴԱՎԱՌԻՆ ՆՎԻՐՎԱԾ ԳԻՏԱԺՈՂՈՎԸ

Հուլիսի 11-12-ը Կ. Պոլսում տեղի ունեցավ Թուրքիոյ Հայոց պատրիարքության աջակցությամբ և Մեսրոպ արքեպս. Մուրաֆյանի երանդուն ջանքերով կազմակերպված գիտաժողով՝ նվիրված Հայ Առաքելական Եկեղեցու հինգ տաղավար տոներից մեկին՝ Բրիստոսի Պայծառակերպությանը (Վարդավառ):

Գիտաժողովին մասնակցում էին 22 հայ և օտարազգի գիտնականներ: Հայաստանից ներկա էր ոչ գիտնականներից բաղկացած մի պատվիրակություն՝ Ազգային Ակադեմիայի Արևելագիտության ինստիտուտի պրոֆեսոր Պարույր Մուրադյանի գլխավորությամբ:

Գիտաժողովի մասնակիցներին իր ուղերձն էր հղել Նորին Սրբություն Գարեգին Ա Ամենայն Հայոց կաթողիկոսը, որի ընթերցումով էլ բացվեց գիտաժողովը: Ընթերցվեց նաև Թուրքիոյ Հայոց Պատրիարք Գարեգին արքեպս. Գազանճյանի ողջույնի խոսքը:

Գիտաժողովի ընթացքում ելույթ ունեցող գիտնականները իրենց զեկույցներում անդրադարձել էին Վարդավառի տոնի ձևավորմանը՝ սկսած հեթանոսական վաղ շրջանից, նրա զարգացման ընթացքին, հոգևոր կյանքի և մտածելակերպի վրա թողած ազդեցությանը, հայկական մանրանկարչության մեջ Պայծառակերպության թեմայի դրսևորումներին: Բոլոր զեկույցումներն էլ աչքի էին ընկնում աստվածաբանական խոր վերլուծություններով, գիտական բարձր մակարդակով:

Հուլիսի 14-ին գիտաժողովի մասնակիցները ներկա եղան Ուշկադարի Ս. Հովհաննես Մկրտիչ և Գնայի Ս. Գրիգոր Լուսավորիչ եկեղեցիներում Պայծառակերպության տոնի առթիվ մատուցված Ս. Պատարագին: Արարողություններից հետո նրանք ծանոթացան նաև քաղաքի տեսարժան վայրերին: